



## Guyyaan Qiyaamaa Maaltu Adeemsifamaa?-Kutaa 1

### Description

Guyyaan Qiyaamaa dhufuu keessa shakkiin akka hin jirre ragaalee adda addaatin torbilee darban ibsine jirra. Namni ragaalee sanniin irra deebiâ€™ee dubbisee fi itti xinxalle Guyyaan Qiyaamaa guyyaa tokko dhooyu ishii ni mirkaneefata. Wantoonni naannoo keenyatti arginu wantoota lama. Isaaniis, yeroo muraasan booda kan jijiramanii fi yeroo dheeraaf osoo hin jijiramin kanneen turaniidha. Yeroo muraasan booda kan jijiraman ykn duâ€™an kanneen akka ilma namaa, biqiltoota, beelladoota fi kkf. Yeroo dheeraaf osoo hin jijiramin kanneen turan immoo dachii, gaarreen, samii, aduu, jiâ€™a, urjiilee fi kkf. Wantoonni yeroo dheeraf turan kunniin akkanumatti zalaalamiif hin turan, ni jijiramu. Guyyaan wantoonni kunniin itti jijiraman Guyyaan Qiyaamaa jennaan. Guyyaan kana gaarreen bakka ni bubbuqqaâ€™u, dachiin dachii biraatin ni jijiramti. Samiinis akkasuma jijiramti. Namni dachii fi samiin akkanumatti zalaalami turan jedhee yaade dogongore jira. â€œAkkuma amma jiran kanatti zalaalamii akka turan maaltu si beeksise? Beekumsa wanta gara fuunduraatti uumamuu ni qabdaa? Yoo qabaatte, beekumsa guyyaa itti duutu nutti himi.â€œ Jechuun yoo gaafanne deebiin isaa maal taâ€™a laata?

Wantoonni yeroo dheeraaf turan kunniin guyyaa tokko akka diigamanii fi jijiraman raga agarsiisu qabna. Innis, Rabbiin (Qulqullaâ€™an oltaâ€™e) dachii, samii fi wantoota isaan keessa jiran hunda kan uumee fi gara fuunduraatti wantoota uumaman hunda kan beekudha. Wantoonni yeroo dheeraaf turan kunniin Guyyaan tokko akka diigamanii fi jijiraman Ergamtoota erguu fi kitaabban buusun ilma namaa akeekachiise jira. Kana qofa mitii mallatoolee adda addaas agarsiise jira. Rabbiin akkuma jalqaba uume diige deebisuu irratti maaltu Isa dadhabsiisaa? Rabbiin (subhaanahu wa taâ€™aala) ni jedha:

يَوْمَ تُبَدِّلُ الْأَرْضُ غَيْرَ الْأَرْضِ وَالسَّمَوَاتُ وَبَرَزُوا لِلَّهِ الْوَاحِدِ

الْقَهَّارٍ ٤٨

â€œGuyyaa dachiin dachii biraatti jijjiramte, samiinis [akkasuma taate]; Rabbii Tokkicha Injifataa taâ€™eef [uumamtooni hundi] walitti qabamanii mulâ€™atan [yaadadhu]. Suuratu Ibraahiim 14:48

Kanaafu, guyyaa wantoonni yeroo dheeraaf turan kunniin itti diddigamanii fi jijiraman guyyaa salphaa miti. Guyyaa garmalee ulfaataa taâ€™eedha. Rabbiin (subhaanahu wa taâ€™aala) ni jedha:

â€œYaa namoota! Gooftaa keessan sodaadhaa, sochiin Qiyaamaa waan guddaadha. Guyyaa ishii argitan dubartiin hoosiftu waan hoosiftu irraa ni dagatti. Dubartiin ulfa qabdu hundi ulfa ishii garaa darbiti. Namootas [sodaa irraa] kan machaaâ€™an argita. Isaan kan machaaâ€™ani miti. Garuu azaaba (adabbii) Rabbiitu garmalee cimaadha.â€ Suuratu Al-Hajj 22:1-2

Mee amma wantoota Guyyaa Qiyaamaa adeemsifaman keessaa muraasa haa ilaallu. Wantoonni kunniin wantoota gara fuunduratti dhufanii fi dhufaati isaanii keessa shakkiin wayitu hin jirreedha. Taateewan Guyyaa Qiyaamaa adeemsifaman beekun yeroodhaan akka itti of qopheessinu, adabbii fi gaabbii hamaa irraa akka baraaramnu nu taasisa. Guyyaan Guddaan kuni yeroo dhufetti, â€œYaa badii kiyya osoo amanee fi hojii gaggaarii hojjadhe maal qaba!â€ jedhanii booyu fi gaabbun buâ€™aa maalii buusaa? Wantoota Guyyaa Qiyaamaa adeemsifaman keessaa;

## 1.Xurumbaan Afuufamuu

Yommuu Guyyaan Qiyaamaa dhaabbaan xurumbaan ni afuufama. Akka afaan keenyatti xurumbaan (garrii) jechuun meeshaa akka gaafa horii fakkaatu fi yeroo cidhaa sagalee guddaa dhageessisuuf itti fayyadamaniiidha. Xurumbaan Guyyaa Qiyaamaa afuufamu xurumbaan namni afuufun wal-qixa jechuu osoo hin taâ€™in akkam akka jiruu fi guddinna isaa Rabbumatu beeka. Malaaykan xurumbaan kana afuufu, Israafil jedhama (nageenyi isarratti haa jiraatu). Afuuffin kuni sagalee fi iyyansa cimaa uumamtoota fixuudha. Seena keessatti ummattoonni yommuu Ergamtoota Rabbitti amanuu didanii fi badii fokkuu raawwatan iyyansan dhuman baayâ€™eedha. Fakkeenyaf, ummata Shuâ€™eyb, Ummata Samuud fi kkf. Kanaafu, yeroo dhumaatti yommuu namoonni hundi Rabbii fi Guyyaa Qiyaamatti kafaranii fi badii adda addaa raawwatan, iyyansa cimaa kanaan lafarraa isaan dhabamsiisa. Xurumbaan kuni siâ€™a (yeroo) lama afuufama.

# Afuuffi Tokkoffaa

Afuuffi jalqabaa irratti wantoonni dachii fi samii keessa jiran hundi ni dhumu kan Rabbiin fedhe malee. Ragaan kanaa, Rabbiin (subhaanahu wa taâ€™aala) akkana jedha:

وَنُفِخَ فِي الصُّورِ فَصَعِقَ مَنْ فِي السَّمَاوَاتِ وَمَنْ فِي الْأَرْضِ إِلَّا مَنْ

٦٨

شَاءَ اللَّهُ شَاءَ ثُمَّ نُفِخَ فِيهِ أُخْرَىٰ فَإِذَا هُمْ قِيَامٌ يَنْظُرُونَ

â€œXurumbaan ni afuufama. Warrii samii keessaatii fi warri dachii keessa jiran hunduu ni dhumu, nama Rabbiin fedhe malee. Ergasii yeroo biraas ni afuufama. Yeroma san isaan dhaabbatanii kan ilaalan taâ€™uâ€™ (suuratu az-Zumar 39:68)

Afuuffin kuni, nama Rabbiin fedhe malee, affuuffi wanta hundaa fixuudha. Namoonni xurumbaa Israafil afuufu kana yommuu dhagahan rifatanii fi nayanii dhumu. Aaya suuratu Al-Hajj jalqabatti eerre afuuffi kana kan agarsiisudha. Guyyaan guyyaa cimaadha. Guyyaa dubartiin daaâ€™ima hoosiftu, naasuu irraa kan kaâ€™e ilmoo ishii itti dagattuudha. Guyyaa dubartiin ulfaa rifannaa irraa kan kaâ€™ee ulfa ishii garaa itti darbituudha. Guyyaan guyyaa dhaamsa walii dabarsuu fi gara maatii deebiâ€™uu hin dandeenyedha. Qurâ€™aanaa keessatti afuuffi Sayhata (Iyyansa cimaa) jechuun moggaase jira.

٤٩

مَا يَنْظُرُونَ إِلَّا صَحِحَةٌ وَحِدَةٌ تَأْخُذُهُمْ وَهُمْ لَا يَنْخُصُّونَ

â€œOsoo isaan wal falmaa jiranuu iyyansa tokkitti isaan qabdu malee homaa hin eegan.

٥٠

فَلَا يَسْتَطِعُونَ تَوْصِيَةً وَلَا إِلَىٰ أَهْلِهِمْ يَرْجِعُونَ

Yeroo san dhaamsa walii dabarsuu hin dandaâ€™an, gara maatii isaaniis hin deebiâ€™amâ€™ (suuratu Yaasin 36:49-50)

Wantoota ulfaatoo afuuffi jalqabaa kana itti adeemsifaman Rabbumatu beeka.

### Afuuffi lammaffaa

Afuuffin lammaffaa kuni afuuffi namoonni awwaalcha (qabrii) keessaa itti kaafamaniidha. Rabbiin ni jedha:

٥١

وَنُفِخَ فِي الصُّورِ فَإِذَا هُمْ مِنَ الْأَجْدَاثِ إِلَىٰ رَبِّهِمْ يَنْسِلُونَ

â€œXurumbaan ni afuuffama, yoosu isaan awwaalcha keessaa gara Gooftaa isaanii bahu.â€™ (suuratu Yaasin 36:51)

قَالُوا يَا يَوْمَنَا مِنْ بَعْدِنَا مَنْ مَرْقَدِنَا هَذَا مَا وَعَدَ الرَّحْمَنُ وَصَدَقَ



الْمُرْسَلُونَ

Ni jedhu, â€˜Yaa badii keenya! Iddoo hiribaa keenya irraa eenyutu nu dammaqsee?â€™ â€˜Kuni waan Rahmaan waadaa galeedha, Ergamtoonis dhugaa dubbatanii jiru.â€™ [jedhama].â€ (suuratu Yaasin 36:52)



يَوْمَ يَسْمَعُونَ الصَّيْحَةَ بِالْحَقِّ ذَلِكَ يَوْمُ الْخُرُوجِ

â€œGuyyaa dhugaan iyyansa dhagahan suni Guyyaa [qabrii keessaa] bahiinsati.â€ Suuratu Qaaf 50:42

Akkuma hadiisa sahiih keessatti dhufe afuuffi jalqabaa fi lammataa jidduu dheerinni yeroo hanga taâ€™ee ni jira.

## 2.Kaafama Namootaa (Baâ€™as ykn Nushuur)

Kaafama namoota (baâ€™as) jechuun ruuhin namootaa gara jismii (qaama) isaanitti deebiâ€™uun qabrii keessaa ol kaafamuudha. Rabbiin (subhaanahu wa taâ€™aala) qabrii keessatti qaama isaanii deebisee erga ijaare fi guute booda, ruuhin (soul) itti afuufamti. Dachiin isaan irraa baqaquun qabrii keessaa ol yaaâ€™u. Rabbiin ni jedha:



يَوْمَ تَشَقَّقُ الْأَرْضُ عَنْهُمْ سِرَاعًا ذَلِكَ حَشْرُ عَلَيْنَا يَسِيرٌ

â€œGuyyaa dachiin isaan irraa babbaqaqxu ariitidhaan [ishii keessaa ol yaaâ€™u]. Suni walitti qabuu Nurratti laafaa taâ€™eedha.â€ Suuratu Qaaf 50:44

Akkuma hadiisa itti aanu keessatti ilaallutti afuuffi tokkoffaa booda Rabbiin (Azza wa jalla) rooba roobsa. Rooba kanaan qaamni namoota ni ijaarrama.

Rabbitiin rooba erga buuse booda qaamni namoota biyyee irraa biqiluun akka biqiltooni yommuu roobni itti roobu lafa keessaa biqilaniitin wal fakkeessun ni dandaâ€™ama. Sababa kanaafi, yeroo baayâ€™ee Rabbiin Qurâ€™aana Isaa keessatti kaafama namootaa dachii erga duuten booda biqiltootan jiraachisuun wal fakkeessa. Qurâ€™aana keessatti Rabbitiin ni jedha:

وَهُوَ الَّذِي يُرْسِلُ الرِّيحَ بُشْرًا بَيْنَ يَدَيِ رَحْمَتِهِ حَتَّىٰ إِذَا  
أَقْلَتْ سَحَابًا ثُقَالًا سُقْنَةً لِبَلَدٍ مَيِّتٍ فَأَنْزَلَنَا بِهِ الْمَاءَ فَأَخْرَجَنَا بِهِ  
مِنْ كُلِّ الشَّمَرَاتِ كَذَلِكَ نُخْرِجُ الْمَوْتَىٰ لَعَلَّكُمْ تَذَكَّرُونَ

٥٧

â€œInni Kan bubbee gammachiisaa taasisuun rahmata Isaa dura erguudha. Yeroo isheen duumessa ulfaataa baadhatte, gara biyya (lafa) duutetti oofna; bishaan irratti buusun gosoota fuduraalee (firaafiree) hunda baafna. Akka kanatti duâ€™aa kaafna. Akka gorfamtaniif [kana hunda isiniif ibsine].â€ (Suuratu Al-Aâ€™araaf 7:57)

Bakka biraattis akkana jedha:

وَاللَّهُ الَّذِي أَرْسَلَ الرِّيحَ فَتُثِيرُ سَحَابًا فَسُقْنَةً إِلَىٰ بَلَدٍ مَيِّتٍ فَأَحْيَنَا بِهِ  
الْأَرْضَ بَعْدَ مَوْتَهَا كَذَلِكَ الْنشُورُ


٩

â€œRabbiin Kan bubbee erguudha; isheen duumessa ol kaafti. Ergasii gara lafa duutetti isa oofnee dachii duâ€™a ishiitin booda ittiin jiraachifna. Kaafamni Qiyaamas akkuma kana.â€ (Suuratu Faaxir 35:9)

Jechoota bakka lamaan armaan olii jiran mee haa hubannu. Jechoonni kunis, â€œakka kanatti duâ€™aa kaafnaâ€ fi â€œKaafamni Qiyaamas akkuma kana.â€

Kunnin lamaan wal fakkeenya bishaan buufamuun qaamni namoota biqiluu fi biqiltoonni bishaan erga itti buâ€™een booda biqiluu jidduu jiru agarsiisu. Biqiltoonni sanyii (firii) baayâ€™ee xiqqaa irraa akka ijaarramu ni beekna. Firiin biqiltuu lafa keessatti gogduu taate teetti. Yommuu bishaan itti buâ€™u jireenyi ishii keessatti ni sochoâ€™a. ergasi biqiltuu guddoo taâ€™uun hiddi ishii lafa qabata, jirmaa fi damee baafachuun gara samii ol dheeratti. Argitanii! Firii xiqqoo san irraa mukni hanga wayi gahuu ol baha.

Haaluma kanaan ilmi namaas Guyyaa Qiyaamaa lafee xiqqoo irraa ijaarra. Yommuu bishaan itti buâ€™u akkuma biqiltuun biqilu qaamni ilma namaas biqila. Lafeen qaamni irraa biqilu â€œAjbu az-zanabi (lafee eegee)â€ jedhamti. Lafeen tuni lafee wal qabatanii morma irraa hanga taaâ€™a dheeratan dhumarratti tan argamtudha. Fakkii irraa ilaalu dandeessu.



**Fakkii1.** Dugda namaa duubatti â€œCoccygeal vertebrateâ€•bakki jettu lafee euge agarsiisti. Akka sirriitti mulâ€™atuuf gara mirgaatti fakkiin kaafame jira. Halluu diiman kan dibame lafee euge agarsiisa.

Abu Hureeyran akka dabarsetti, Ergamaan Rabbii (SAW) akkana jedhan: â€œ**Afuuffi xurumbaa lamaan jidduu afurtama jira.**â€• [Namoonni Abu Hureyraa marsan] ni jedhan, â€œYaa Abu Hureyraa, guyyaa afurtamaa jechuu keeti?â€• Innis ni jedhe, â€œHomaa jechuu hin dandaâ€™uâ€• Ni jedhan, â€œJiâ€™a afurtama jechuu keeti?â€• Innis ni jedhe, â€œHomaa jechuu hin dandaâ€™uâ€™ Isaanis ni jedhan, â€œWaggaa afurtama jechuu keeti?â€• Innis ni jedhe, â€œHomaa jechuu hin dandaâ€™uâ€™ â€œSan booda Rabbiin bishaan samii irraa ni buusa. Ergasiiakkuma kuduraan (baaqelan, atarri) biqilu isaanis (namoonnis) ni biqilu. Nama irraa wanti hin tortorre hin jiru lafee takkatti malee. Lafeen sunis **Ajbu az-zanabi (lafee eegee)**â€• jedhamti. Guyyaa Qiyaamaa lafee tana irraa uumamni [namaa] ni ijaarrama.â€™â€• [Sahih Muslim 2955 a](#)

Muslim karaa biraatin akkana jechuun gabaase. Ergamaan Rabbii (SAW) akkana jedhan: â€œ**Dhugumatti ilma namaa keessa lafee gonkumaa ardiin (biyyeen) hin nyaannetu jira.** Guyyaa Qiyaamaa ishii irraa [qaamni ilma namaa] lamuu ijaarrama.â€• Namoonni ni jedhan, â€œLafee tami (kami) Yaa Ergamaa Rabbii?â€• Innis ni jedhe, â€œ**Ajbu az-zanabi (lafee eegee)**â€• [Sahih Muslim 2955 c](#)

Mee amma wal-fakkeenyaa biqiluu biqiltoota fi kaafamu ilma namaa jidduu jiru haa ilaallu. Biqiltooni sanyii (firii) xiqqoo fi gogduu irraa biqiluun muka guddaa ykn midhaan callaa kenu taâ€™u. Ilmi namaas lafee xiqqoo fi gogduu irraa lamuu ijaarramun kaafamu. Asitti wal fakkeenyi jiru firiin biqiltoota **xiqqoo fi gogduu** taâ€™uu, lafeen namni irraa ijaarramus **xiqqoo fi gogdu** taâ€™uu. Yommuu firii biqiltootatti roobni roobu, hiddaa fi damee baasu, magariisa taâ€™u. Haaluma kanaan Guyyaa Qiyaamaa ilmi namaas yommuu Rabbiin rooba itti roobsu, Rabbiin lafee xiqqoo san irraa qaama guutu lamuu ijaara. Wal fakkeenyi asitti argannu **roobni lamaan isaan irratti roobu** fi akkuma biqiltooni **hiddaa fi damee baasan** ilmi namaas qaamoleen akka **harkaa, lukaa, gurraa fi kkf isaaf deebiâ€™u** (lamuu ijaarramu)dha. Ammas wal fakkeenyi biraat **lamaan isaanitu dachii keessaa** ol bahu. Wal fakkeenyi kana hundaa caalu maal akka taâ€™e beektu?

---

Wal fakkeenyi guddaan isaan lamaan jidduu jiru **Rabbul aalamiin (Gooftaa addunyaa hundaatu) isaan biqilcha ykn lamuu ijaara**. Ilmaan namaa osoo bakka tokkotti walitti qabamaniyyuu firii qamadii biqilchuu dandaâ€™u? Gonkumaa hin dandaâ€™an. Rabbiin akkuma firii xiqqoo fi gogdu biqilchu ilma namaas lafee xiqqoo irraa deebise ni ijaara. Wa aakhiru daawâ€™anaa Alhamdulillah Rabbil aalamiin.

In sha Allah torbaan itti fufna

**Kitaaba wabii**

[Al-Qiyaamatul Kubra-fuula](#), 31-35, 51-53, by Umar Suleymaan Al-Ashqar

**Date Created**

February 17, 2018

**Author**

admin